

QUÆSTIO MEDICA,
 QUODLIBETARIIS DISPUTATIONIBUS
 MANE DISCUTIENDA
 IN SCHOLIS MEDICORUM,

Die Jovis 27 Januarii 1718.

M. PETRO-PAULO GUYART,
 DOCTORE MEDICO, PRÆSIDE.

An ablactatis purgatio frequens?

I

FOETUS humanus prægnantis in utero conceptus eandem cum matre coherentiæ rationem habet, quam fructus cum arboribus. Pro tenui pediculo quo fructus in arbore suspenditur, ductum umbilicalem a naturâ sortitus est, per quem vitæ materiam suggerit apparandam primum in chorio: quo purior defæcatorque illabatur. In fructibus extremo addita est moles quædam torosior, quæ rugosâ carnē villis fibrisque compacta, proprium eorumdem apparat alimentum. Sed neque fructus suis carent integumentis, ut fœtus; nuciponticæ, juglandi & castaneæ unicum est: leguminosa geminum obtinent ut fœtus humanus, cæteris animantibus tria natura concessit; quibus velut additis vinculis aut propugnaculis, infirmitas eorum & loco suo contineretur, & ab externi aëris molestiore vindicaretur incurfu. Si quando flatus arborem vehementior succulserit, cum recens editi fructus, aut cum jam graves nondum maturitatem adepti sunt, facillè eliduntur intermedio tempore: non ante separari queunt, quàm aut arbori vitium, aut semini fructus erosio à vermiculis accesserit. Prægnantibus quoque humani generis esse solent aëris & flatuum subitæ mutationes; quales sunt recurrentis Aquilonis. Has ideo primis uti nec postremis graviditatis mensibus

purgationis aut Phlebotomiæ motibus, nisi urgeat necessitas, exagitari convenit, aut alia corporis & animi perturbatione quati. Hæc siquidem quæ mediis gestationis temporibus nec movent, nec vim faciunt: nondum confirmato fœtui, abortus causam invehere solent.

II.

INFANS novus naturæ surculus, stirpium more educandus est, hujus cura arti non naturæ committitur. Hæc sylvestres edit, illa facit urbanos. Natura namque nudum & inermem fœtum quasi pondus inutile, aut excrementum quoddam in terram expuit. Ars obstetricis munus obit, ejectum suscipit, secto fovet umbilico, linteis & stragulis pluribus, nunc paucioribus pro regione & anni tempore obvolvit. Molliter ad pectus, paulò strictius ad crura fasciis deligat, cunas locat, cavet ne lux à tergo aut à latere excipiat; quæ res facile obtusum invertit, nihil negligit, mulieres quas gestationi in ulnis præficit vult esse Amphidexias, ut in utrumque latus subinde gestatione, artuum symmetria conservetur; horum omnium, ne decubitus quidem ipsius curam idiotis committit: nihil enim est tam facile quod non requirat industriam; est scilicet Medicinæ sagacitas supra omnem naturæ vim, quam in obsequium suum cogit universam. Sic quantum urbana arbor suavitate fructus, foliorum præstantiâ, & caudicis rectitudine sylvestri præfertur; tantum humanus fœtus artis Medicæ culturâ fœtus supra naturalem & spontaneam indolis educationem æstimatur.

III.

URBANITAS quæ arboribus mangonio & culturâ conciliatur, infanti educatione contingit; sine educatione sylvestrem ille induit naturam, totusque strigosior, mille morbis, pravisque moribus, velut ortis undique spinis exhorrescit. Educatio puerorum quidam est magister, quidquid agreste & acerbum est, hac arte extruditur; ab illa corpori valetudo, animo suavitas & urbanitas accedit, luxuriantes & vitiosi succi, velut inutiles rami excinduntur; meliores industriâ Medici mitioresque inferuntur; nutrix maximè utilis est infantibus, lac optimum si serosum, si temperiem comitem habet omne punctum tulerit, id namque bellè nutrit. Nutrix macra nec sit nec obesa, mamma ejus sit ita disposita, ut ad primos lactentis succus in grumos, lacteos attollatur, alterâ interim sese immulgente, & lac effundente sine succu papillâ, quæ nec longitudine aut brevitate molesta sit. Præstat sæpius conductitiâ nutrice quàm materno lacte nutrirî, hæc naturæ, illa artis electioni debetur. Infans quem natura agrestem pepererat, solâ lactis & nutricis præstantiâ plerumque urbanus factus est. Propterea si ab his conditionibus desciverit, alia statim substituat; si verùm penuria hujus rei copiam non fecerit, ne morum humorumque labes cum lactis vitio in pupum transferatur, melius est in auxilium adhibere bombylia.

IV.

ABLACTATUS infans, velut exempta viviradix majorem artis opem exposcit, ne corporis labe aut animi vitio suffructer, propterea colonus in primâ explantatione circa arbusculam totus occupatur: pascendo, irrigando, stercoreandoque solo, sarrit adnatas circumquaque herbulas quæ illius obsunt incremento atque nutrimento, dùm meliorem terræ succum depascuntur; sustinet caudiculum de pacto juxta palo, brachia in uncōs reducta molli inclinatione ad parietes non flectit, ne rumpantur; sed circumducit ut apricationi insuescant. Hæc omnia peragit, dùm ætas teneritudine sequalior est, ligni quippe rigiditas annosa minus se facilem ad motum præbet; illud ipsum infantibus Philosophiæ munere contingit; honesta matrona primum debilem infantis animum blandiore sustinet confabulatione, sensimque rationis & orationis quibusdam informat elementis: donec amplius illius aures & animus patueriat, ac tùm pædagogus velut unco adhibito paulò strictius continetur. Hujus opera sit initio ut fabulæ & anilia deliramenta procul absint, quæ quasi juxta mentem consistæ plantæ inutiles, uberem fructibus rationis segetem necant; Medicus pariter curat ut bilis Urticæ, pituitæ Muscus, bilis atræ Melanthium, plenitudinis Orobanche, & similia malorum humorum gramina quæ nimîa & minus elucubrâtâ elitatione in dies juxta viscera succrescunt, puerileque morbos omnes generant, eradicentur. Id ipsi facile est irrigatione & sarturâ; irrigatio victus humidus puerorum naturæ singularis, pulcra tamen non deneganda ablactatis, uti nec alimenta solidiora post eruptos dentes lactentibus, quibus alvus astrictior est, iis offusæ juscula & panatella magis profunt, carnes seriùs veniunt in usum. Frigidæ irrigatio juniores plantas aut necat, aut pumilas reddit, repidiore vegetat; frigidæ potione interdicanter ablactati, hæc sæpè cæliacum fluorem excitavit intestinis & ventriculo lævigatis. Ut ergo pituitæ perniciēs amoliat, tepidè bibant: Nunquid vinum pueris adhibere tempeſtiva res est, & quâvis irrigatione potior? eò feliciùs adoleſcunt illi, coloratiores redduntur, & convulsionibus minùs patient.

V.

CAPITIS infirmitas, mollis corporis textura rarior, ablactato infanti, ad pueritiam usque propria est, & quasi naturalis. Hinc misellus circumseptus pluribus patet morbis, quàm ulla alia ad senium ætas. Omnes ferè perniciem minantur, ipsumque sine dubio in vitæ exordiis opprimerent, nisi ars Medica suppetias ferret. Hæc velut in plantarum genere sit, assiduâ quasi fossione viscera reddit mollia, sarturâ multiplici pravia malorum humorum germina diligentius extirpat. Purgatio sarritio quædam est, capiti adhibeatur inulto cauterio macrocephalis totius corporis emunctorium, exhibitâ

aëris clementiâ viscerum portis Catharsi. Hæc penè quotidiana sit, ut in illis multiplex in dies atque in horas cumulatür illuvies; non sic de venæ sectione statuendum, quæ in secundâ puerorum valetudine periculosior est. Purgatio contra quò frequentior eò tutior; primordia generationis morborum in ipso fonte elidit, ventris libertatem conciliat, venarum per quas alimenti distributio fit, oscula patet facit, chylum & sanguinem purificat, & ab omni puerilium morborum catervâ strenuè vindicat. Adde quod ventriculus nullâ ex parte purgatione læditur, solâ humoris corruptelâ frangitur validus, purgationis assuetudine corroboratur infirmior. Longè dispar est quippe viventium & mortuorum ratio. Corium bubulum quantumvis durum & solidum in calceamentis vix mensem durat, incessu statim deteritur; si nudus ambules, naturalis solea non tenuatur, sed occalescit, & manus vola nullum affrictu patitur detrimentum: Ventriculus pari modo vivens, tunicâ, cathartici vim frangit, non illa frangitur. Vides ut consimilis usu frequentiore medicamenti natura abutatur, propterea variis medicamentorum formulis opus est; secus ejusdem sæpius repetitæ purgationis vis omnis evanida fuerit. Audacter igitur ablactatos purga, nihil opportuniùs in infantis commoda præstat ars Medica, quam si illi temperatum aërem, & putum assiduâ purgatione subministret alimentum.

Ergo ablactatis purgatio frequens.

Domini Doctores disputaturi.

M. Joann. B. Faustus
Alliot de Mussay.
M. Nicol, le Tellier.

M. Claudius Anton,
Renard.
M. Franciscus Bailly.

M. Bertinus-Simon Dieuxicoye,
Facultatis Decanus, & Regi
à sanctioribus Consiliis, & Se-
renissimorum Delphini & Del-
phina dùm viverent, Medicus
Primarius, & Medicus Regis
perpetuò ordinarius.
M. Guido-Erasmus Emmerez.

M. Petrus Afforty,
Rei herbaria Prof.

M. Andreas de Laleu.

Proponebat Parisiis LUD. CLAUD. BOURDELIN,
Parisinus, Baccalaureus Medicus, A. R. S. H. 1718.
à sextâ ad meridiem.

Typis J. QUILLAU, Universitatis & Facultatis Medicinæ
Typographi.